



14 GÜN 16

Globi discuorra rumantsch. La Chasa Editura Rumantscha ha edì il prüm cudesch illustrà da „Globi“ in lingua rumantscha.

6 GÜN 16

Festa da chaunt a Puschlev. 27 furmaziuns s'haun partecipadas a la festa da chaunt. Sülla fotografia as vezza il president da l'Uniun da chaunt districtu-ela Armon Parolini cun duos damas d'onur.

11 GÜN 16

Cuorsa d'orientaziun: championadi mundial a Scuol. La presidenta dal comitè d'organisaziun, Simone Niggli, ha tgnü il pled d'avertüra dal championadi mundial da cuorsa d'orientaziun.

15 GÜN 16

Concert dal cor ad hoc a Sent. „La schelta“ es stat il tema dal concert d'ingon cun partecipaziun da creschüts sco eir dals scolars da la 5 e 6avla classa da Sent. Sülla fotografia as vezza a Gianna Bettina ed Andri Gritti chi preparan cun Rita Nuotclà las prouvas da chant.

20 GÜN 16

Lavuors spectacularas a Punt dal Gall. Perquai cha'l lai da serra da Livigno nu das-cha gnir svödà, han las Ouvras Electricas d'Engiadina decis da far las lavuors suot aua cun agüd d'ün palomber.

28 GÜN 16

„Scul fa musica“. Roland Vögtli organisescha concerts al restorant Trais Portas. Uossa es stat l'andervia il chantatur Curdin Nicolay insembel cun seis ami musicant André Gemassmer.

22 GÜN 16

Festa da sculpturas a Sur En da Sent. Il 22avel Simposi internaziunal da sculpturas a Sur En es dvan-tà ün evenimaint important chi attira blera glieud. Tradiziun esa dvan-tà da far üna sairada da cumpagnia ingio chi s'inscuntran artists, giasts ed indigens per discuter e's tratgnair.

